

BESTELAKO XEDAPENAK

OSASUN SAILA

2322

AGINDUA, 2020ko ekainaren 1ekoa, Osasuneko sailburuarena, agindutako tratamendu medikoak betetzea errazteko 2019ko eta 2020ko laguntzak emateko deialdia egiten duena.

Agindutako tratamendu medikoak betetzea errazteko laguntzak erregulatzen dituen azaroaren 19ko 447/2013 Dekretua 2013ko azaroaren 28ko EHAA n argitaratu zen, 227. zenbakian, eta argitaratu eta hurrengo egunean jarri zen indarrean. Dekretu horretan erregulatzen dira gaixotasun- eta behar-egoera objektiboan dauden pertsonentzako laguntzak, Euskadiko Osasun Sistemako langileek agindutako tratamendu medikoak bete ditzaten, tratamenduok finantzaketa publikoaren xede direnean betiere.

Dekretu hori aldatu egin da; lehenik, azaroaren 14ko 247/2017 Dekretuaren bidez (azaroaren 17ko EHAA, 220. zk.), dekretu horren 3. artikuluan ezartzen diren laguntzen onuradunen kolektiboa handitzeko, eta Osasun Sailaren egitura organikoa eta funtzionala ezartzen dituen apirilaren 11ko 80/2017 Dekretuaren zenbait apartatu aldatzeko, Euskal Autonomia Erkidegoko Osasun Sistemako langileek agindutako tratamendu medikoak betetzea errazteko laguntzak arautzen dituen arazoaren 19ko 447/2013 Dekretuaren 2.1 artikuluan ezarritakoari egokitu dadin, eta Aseguramendu eta Kontratazio Sanitarioko Zuzendaritzak jarrai dezan aipatu laguntzak kudeatzeko eskumenak izaten.

Eta, bigarrenik, 2019ko otsailaren 5eko 16/2019 Dekretuaren bidez (otsailaren 11ko EHAA, 29. zk.), Osasun Sistema Nazionalerako Irispide Unibertsalari buruzko uztailaren 27ko 7/2018 Errege Lege Dekretura egokitzeko 7/2018 Errege Lege Dekretuak Osasun Sistema Nazionalaren kohesio eta kalitateari buruzko maiatzaren 28ko 16/2003 Legearen 3.1 eta 3 ter artikulua aldatzen ditu, eta ezartzen du osasun-babeserako eta osasun-laguntzarako eskubidearen titular direla, batetik, espainiar nazionalitatea dutenak eta Espainian bizilekua duten atzerritarrak, eta bestetik, Espainian erregistratu gabe edo egoiliar gisa baimendu gabe dauden atzerritarrak, espainiar nazionalitatea dutenen baldintza berberetan osasun-babeserako eta osasun-laguntzarako eskubidea dutenak.

Aipatutako 447/2013 Dekretuak dioenez, Osasuneko sailburuaren esku egongo da laguntza horien deialdia egitea. Zehatz esanda, 2.2 artikulua arabera, «Osasuneko sailburuaren esku egongo da laguntzen deialdia egitea, honako hauek adieraziko dituen agindua emanez: laguntzak zehazteko aldiak, izapideei –zuzenekoei zein elektronikoei– buruzko zehaztapenak, eskaerak aurkezteko epea, tokia eta modua, laguntzak finantzatzera bideratutako baliabide ekonomikoak, bai eta horiek emateko baldintzak egiaztatzeko eskatutako agiriak eta eskaera-eredua ere; hori guztia dekretu honetan jasotako arauak garatuz eta aplikatuz».

Aipatu artikulua betetzearren, 2013ko abenduaren 23ko Agindua onartu zen (2013ko abenduaren 31ko EHAA, 248. zk.), zeinarekin deialdia egiten baitzen agindutako tratamendu medikoak betetzea errazteko 2013. eta 2014. urteetarako laguntzak emateko. Aipatutako deialdian, 2013ko uztailaren 1etik abenduaren 31ra eta 2014ko urtarrilaren 1etik azaroaren 30era egindako gastuetarako laguntzak ematea erregulatzen da.

Era berean, 2015eko urtarrilaren 21ean Osasuneko sailburuaren agindu bat onartu zen, zeinarekin deialdia egiten baitzen agindutako tratamendu medikoak betetzea errazteko 2014. eta

2015. urteetarako laguntzak emateko (2015eko urtarrilaren 27ko EHAA, 17. zk.). Aipatu deialdian, 2014ko abenduaren 1etik 31ra eta 2015eko urtarrilaren 1etik azaroaren 30era egindako gastuetarako laguntzak ematea erregulatzen da.

2015eko abenduaren 10ean Osasuneko sailburuaren agindu bat onartu zen, zeinarekin deialdia egiten baitzen agindutako tratamendu medikoak betetzea errazteko 2015. eta 2016. urteetarako laguntzak emateko (2015eko abenduaren 23ko EHAA, 244. zk.). Aipatutako deialdian, 2015eko abenduaren 1etik 31ra eta 2016ko urtarrilaren 1etik azaroaren 30era egindako gastuetarako laguntzak ematea erregulatzen da.

2017ko otsailaren 21ean Osasuneko sailburuaren agindu bat onartu zen, zeinarekin deialdia egiten baitzen agindutako tratamendu medikoak betetzea errazteko 2016. eta 2017. urteetarako laguntzak emateko (2017ko martxoaren 1eko EHAA, 42. zk.). Aipatutako deialdian, 2016ko abenduaren 1etik 31ra eta 2017ko urtarrilaren 1etik azaroaren 30era egindako gastuetarako laguntzak ematea erregulatzen da.

2018ko otsailaren 20an Osasuneko sailburuaren agindu bat onartu zen, zeinarekin deialdia egiten baitzen agindutako tratamendu medikoak betetzea errazteko 2017. eta 2018. urteetarako laguntzak emateko (2018ko martxoaren 1eko EHAA, 43. zk.). Aipatu deialdian, 2017ko abenduaren 1etik 31ra eta 2018ko urtarrilaren 1etik azaroaren 30era egindako gastuetarako laguntzak ematea arautzen da.

Azkenik, 2019ko martxoaren 6an Osasuneko sailburuaren agindu bat onartu zen, zeinarekin deialdia egiten baitzen agindutako tratamendu medikoak betetzea errazteko 2018. eta 2019. urteetarako laguntzak emateko (2019ko martxoaren 15eko EHAA, 53. zk.). Aipatu deialdian, 2018ko abenduaren 1etik 31ra eta 2019ko urtarrilaren 1etik azaroaren 30era egindako gastuetarako laguntzak ematea arautzen da.

Agindu honen bitartez, beste deialdi bat egiten da, 2019-2020ko aldiari dagokiona.

Horren arabera, honako hau

EBAZTEN DUT:

1. artikulua.– Deialdiaren eremua eta xedea.

Agindu honen xedea da Euskadiko Osasun Sistemako langileek agindutako tratamendu medikoak –finantzaketa publikoa izan dezaketen tratamenduak– betetzea errazteko laguntzen deialdia egitea. Laguntza horiek 2019ko abenduaren 1etik 31rako eta 2020ko urtarrilaren 1etik azaroaren 30erako tarteetarako dira.

2. artikulua.– Baliabide ekonomikoak.

1.– Deialdi hau finantzatzeko baliabide ekonomikoak Euskal Autonomia Erkidegoaren Aurrekontu Orokorretan horretarako ezarritako aurrekontu-kredituetatik datoz, eta horien kopurua sei milioi, hogeita hemezortzi mila, ehun eta hogeita hamaika (6.038.131) eurokoa da.

2.– Deialdi honetan guztira emango diren laguntzen zenbatekoak ez du diru-izendapen hori gaindituko, edo, baldin eta, indarrean dauden legeen arabera, aurrekontuetan aldaketak onartzen badira, ez du zenbateko hori eguneratuta sortzen den emaitza gaindituko.

3.– Halaber, deialdi honetarako izendatutako kreditua eta hori eguneratzearen ondoriozkoa agortzen bada, zirkunstantzia horri publizitatea ematearren, Osasuneko sailburordeak ebazpen bat emango du, zeinetan zehaztuko baita zein egunetan agortu zen kreditua, eta Euskal

Herriko Agintaritzaren Aldizkarian argitaratuko da; guztia ere, azaroaren 19ko 447/2013 Dekretuko 11. artikuluan ezarritako ondorioetarako.

3. artikulua.– Laguntzen onuradunak.

1.– Gaixotasun- eta beharrian-egoera objektiboan dauden pertsonak eskatu ahal izango dituzte laguntzak, betiere betetzen badituzte laguntza horien onuraduna izateko azaroaren 19ko 447/2013 Dekretuaren 3.1 artikuluan ezarritako baldintzak (dekretu horren bidez, agindutako tratamendu medikoak betetzea errazteko laguntzak arautzen dira), eta laguntza horien xede den gastua deialdi honetan zehaztutako aldian egin badute. Zehatz esanda, hauxe da gastu hori:

a) Osasun-babeserako eta osasun-laguntzarako eskubidearen titularrak, baldin eta Gizarte Segurantzaren pentsiodunak badira, urtean 18.000 eurotik beherako diru-sarrerak badituzte eta Euskadiko osasun-sistemak bermatzen duen banako osasun-txartelaren titularrak badira.

b) Osasun-babeserako eta osasun-laguntzarako eskubidearen titularrak, baldin eta legezko lan-gabezia-egoeran badaude, urtean 18.000 eurotik beherako diru-sarrerak badituzte eta Euskadiko osasun-sistemak bermatzen duen banako osasun-txartelaren titularrak badira.

c) Osasun-babeserako eta osasun-laguntzarako eskubidearen titularrak, baldin eta beren laneko errentak osatzeko diru-sarrerak bermatzeko errenta jasotzen badute eta Euskadiko osasun-sistemak bermatzen duen banako osasun-txartelaren titularrak badira.

d) Osasun-babeserako eta osasun-laguntzarako eskubidearen titularrak, baldin eta aurreko hiru apartatuetan aipatutako aseguratuen onuradunak badira eta Euskadiko osasun-sistemak bermatzen duen banako osasun-txartelaren titularrak badira.

e) Espainiako Estatuan erregistratu gabe edo egoiliar gisa baimendu gabe dauden atzerritarrak, baldin eta osasun-babeserako eta osasun-laguntzarako eskubidea badute Espainiako nazionalitatea dutenen baldintza berberetan, eta Euskal Autonomia Erkidegoak eskubide hori aitortzeko emandako egiaztatagiria badute.

2.– Zehapen administratibo edo penala izateagatik dirulaguntzak edo laguntza publikoak jasotzeko aukera galdu duten pertsonak ezin izango dute lehiaketan parte hartu jasotako zigorrak ezarritako aldian. Era berean, ez dute parte hartzerik izango horretarako ezgaitzen dituen legezko debekuren bat dutenek, horretan barne direlarik Emakumeen eta Gizonen Berdintasunerako otsailaren 18ko 4/2005 Legea aplikatzearen ondoriozkoak.

3.– Pertsona onuradunei laguntzak emateko eta, hala badagokio, ordaintzeko, amaitu egin beharko dira itzultze- edo zehapen-prozedurak, Euskal Autonomia Erkidegoko Administrazio Orokorrak eta haren organismo autonomoek emandako antzeko dirulaguntzen esparruan hasitako eta izapideetan dauden prozedurak alegia.

4.– Eskatu ahal izango da, bai onuradun izateko, bai emandako dirulaguntza likidatu arte onuradun izaten jarraitzeko, egunean izatea zerga-betebeharrak eta Gizarte Segurantzarekikoak.

Organo kudeatzaileak automatikoki egiaztatuko du zerga-betebeharrak eta Gizarte Segurantzarekikoak betetzen direla, pertsona horien baimenik gabe, azaroaren 11ko 1/1997 Legegintzako Dekretuaren bidez onartutako Euskadiko Ogasun Nagusiaren Antolarauei buruzko Legearen Testu Bateginaren 50.3 artikuluan eta Dirulaguntzei buruzko Lege Orokorraren 13.2.e) artikuluan, bai eta uztailearen 21eko 887/2006 Errege Dekretuaren bidez onartutako Dirulaguntzei buruzko azaroaren 17ko 38/2003 Lege Orokorraren Erregelamenduaren 22.4 artikuluan ere xedatutakoarekin bat etorri.

Hala ere, eskatzaileak berariaz uka dezake baimen hori, eta, kasu horretan, baldintza hori egiaztatzen duten ziurtagiri eguneratuak aurkeztu beharko ditu.

4. artikulua.– Diruz lagundu daitezkeen gastuak.

1.– Euskadiko Osasun Sistemako langileek agindutako tratamendu mediko bat betetzeko, 2019ko abenduaren 1etik abenduaren 31rako eta 2020ko urtarrilaren 1etik azaroaren 30erako tarteetan ordaindu behar izan dituzten zenbatekoak itzuliko zaizkie pertsona onuradunei, betiere finantzaketa publikoa jaso dezaketen tratamendu farmakologikoei, eta efektu eta osagarriei dagokienez.

2.– Halaber, ordaindu ahal izango dira 2020ko epealdi berean ordaindu behar diren zenbatekoak, hain justu ere Euskadiko Osasun Sistemako langileek agindutako tratamendu mediko bat betetzearen ondoriozkoak, finantzaketa publikoa jaso dezaketen produktu dietetikoei dagokienez.

5. artikulua.– Izapidetze elektronikoa.

1.– Interesdunek prozedura honen izapide guztiak bitarteko elektronikoak erabiliz eskatu, kontsultatu eta egin ahal izango dituzte; hartarako, administrazioan onartutako sinadura elektronikoko sistemen bitartez identifikatuko dira.

2.– Izapidetze elektronikoa honako hauen bidez dago erregulatutik: Administrazio Publikoen Administrazio Prozedura Erkidearen urriaren 1eko 39/2015 Legea; Administrazio Elektronikoari buruzko otsailaren 21eko 21/2012 Dekretua; eta Informatika eta Telekomunikazioen zuzendariaren 2006ko otsailaren 9ko Ebazpena, E-Administrazioarako Plataforma Teknologikoa –Platea– ezarzen duen dokumentua onartzen duena.

3.– Eskabidearen ondorengo izapideak eta izapideen jarraipena bide elektronikoak erabilia egin ahal izango dira, Eusko Jaurlaritzaren egoitza elektronikoaren bitartez: <https://www.euskadi.eus/nirekarpeta>

6. artikulua.– Izapidetze erraztua.

1.– Oro har, izapidetze erraztuaren bitartez kudeatuko dira deialdi honetan araututako laguntzak, betiere organo kudeatzaileak eskabideak ebazteko behar besteko informazio badu, bai pertsona onuradun izatearen kondizioaz, bai laguntzaren xede den gastua egiteaz, eta eskatzaileek baimena eman badute berariaz aipatutako datu horiek egiaztatzeko.

2.– Beraz, honako pertsona hauek erabili ahal izango dute izapidetze erraztua:

a) Osasun-babeserako eta osasun-laguntzarako eskubidearen titularrak, Gizarte Segurantzaren pentsiodun gisa aseguratuta daudenak, urtean 18.000 eurotik beherako diru-sarrerak badituzte eta Euskadiko Osasun Sistema bermatzaile gisa duten banako osasun txartelaren titularrak eta beren onuradunak badira, salbu eta diruz lagundu nahi den gastua Euskadiko Osasun Sistematik kanpo egiten bada, gastu hori ordaintzeko beste eskabide bat egin beharko baita, ohiko prozedura erabiliz, hurrengo artikuluan araututa dagoena.

b) Osasun-babeserako eta osasun-laguntzarako eskubidearen titularrak, langabeziaren legezko egoeran daudenak, urtean 18.000 eurotik beherako diru-sarrerak badituzte eta Euskadiko Osasun Sistemak bermatzen duen banako osasun txartelaren titularrak eta beren onuradunak badira, salbu eta diruz lagundu nahi den gastua Euskadiko Osasun Sistematik kanpo egiten bada, gastu hori ordaintzeko beste eskabide bat egin beharko baita, ohiko prozedura erabiliz, hurrengo artikuluan erregulatuta dagoena.

c) Osasun-babeserako eta osasun-laguntzarako eskubidearen titularrak, beren laneko errentak osatzeko diru-sarrerak bermatzeko errenta jasotzen dutenak, baldin eta Euskadiko Osasun Sistemak bermatzen duen banako osasun-txartelaren titularrak badira, salbu eta diruz lagundu nahi den gastua Euskadiko Osasun Sistematik kanpo egiten bada, gastu hori ordaintzeko beste eskabide bat egin beharko baita, ohiko prozedura erabiliz, hurrengo artikuluan erregulatuta dagoena.

d) Espainian erregistratu gabe edo egoiliar gisa baimendu gabe dauden atzerritarrak, baldin eta osasun-babeserako eta osasun-laguntzarako eskubidea badute espainiar nazionalitatea dutenen baldintza berberetan, eta Euskal Autonomia Erkidegoak eskubide hori aitortzeko emandako egiaztagiria badute.

3.– Egoera horretan dauden pertsonen I. eranskinen eskabide-eredua bete beharko dute. Eskabide horretan, Administrazioari baimena emango zaio eskatzaileak adierazten duen kontuan ordainketa egiteko. Horretarako, lehenago egiaztatu beharko da, batetik, onuraduna nor den, eta, bestetik, laguntzaren helbururako gastua egin dela. Eskabidea Osasun Saileko lurralde-ordezkaritzetan ere eskuratu ahal izango da, bai eta Osakidetzako zentroetan, Zuzenean izeneko Herritarrentzako Zerbitzuaren bulegoetan aurretiko hitzorduarekin eta Eusko Jaurlaritzaren egoitza elektronikoan ere: <https://www.euskadi.eus/zerbitzuak/0336314>

7. artikulua.– Ohiko izapidetzea.

1.– Izapidetze erraztua egiterik ez badago, ohiko izapidetzearen bidez kudeatuko dira deialdi honetan araututako laguntzak, aurreko artikuluan ezarritakoarekin bat etorritik. Hau da:

1) Pertsona eskatzaileak Administrazioari berariazko baimenik ematen ez badio gastuari buruzko datuak egiaztatzeko.

2) Dirulaguntzaren xedea den gastua Euskadiko Osasun Sistematik kanpo egiten bada.

3) Baldin eta agindu honetako bigarren xedapen gehigarrian zehaztutako pertsonen arlokoa bada eskabideak izapidetzea.

2.– Kasu horretan, interesdunek, banako osasun-txartelaren bidez edo Euskal Osasun Sistemaren osasun-prestazioak jasotzeko bidea ematen duen dokumentu identifikatzailearen bidez nortzuk diren egiaztatu ondoren, eskabidea aurkeztuko dute, agindu honetako II. eranskinen eredu behar bezala betez. Eredu horri honako dokumentu hauek erantsiko zaizkio:

a) Onuraduna nor den egiaztatzen duen dokumentazioa.

b) Tratamendu aktiboaren orria edo errezetaren paperezko kopia, laguntzaren xede diren tratamendu medikoen preskripzioak jasotzen dituenak.

c) Eskuratutako produktua pagatu izana justifikatzeko agiriak, non jasotzen baitira jaso dituzten produktuen identifikazio-datuak eta eskatzaileak egindako ekarpenak, tokatzen den epealdian diruz lagundutako gastuei dagokienez.

Paperezko euskarrian edo euskarri elektronikoan (pdf formatuan) aurkeztu ahal izango da dokumentazioa.

3.– Eskabide-eredua Osasun Saileko lurralde-ordezkaritzetan eskuratu ahal izango da, bai eta Osakidetzako zentroetan, Zuzenean izeneko Herritarrentzako Zerbitzuaren bulegoetan aurretiko hitzorduarekin eta egoitza elektronikoan: <https://www.euskadi.eus/0336313>

8. artikulua.– Eskabideak zuzentzea.

Dirulaguntzetarako eskabide-inprimakiak ez badira guztiz betetzen, edo haiekin batera ez bada adierazitako dokumentazioa aurkezten, erakunde eskatzaileari hamar egun balioduneko epea emango zaio hutsegitea konpontzeko edo behar diren dokumentuak aurkezteko. Hori egin ezean, eskabidea ukatuzat joko dela adieraziko zaio. Administrazioak eskabide horiei buruzko berariazko ebazpen bat eman eta jakinarazi beharko du, Administrazio Publikoen Administrazio Prozedura Erkidearen urriaren 1eko 39/2015 Legeko 68.1 eta 21.1 artikuluetan xedatutakoaren arabera.

9. artikulua.– Izapidetze-hizkuntza.

Pertsona eskatzaileek nahi duten hizkuntza ofizialean aurkeztu ahal izango dute eskabidea eta eskatutako gainontzeko dokumentazioa. Halaber, eskabidearen ondoriozko jarduketetan eta prozeduran zehar, pertsona eskatzaileak hautatutako hizkuntza erabiliko da, horixe baitago ezarria Euskararen Erabilera Normalizatzeko azaroaren 24ko 10/1982 Oinarrizko Legearen 6.1 artikuluan.

10. artikulua.– Eskabideak aurkezteko epea eta lekua.

1.– Deialdi osorako izapidetze erraztuko eskabide bat aurkeztea aski izango dute pertsona interesdunek, eta hori egin ahal izango dute edozein unetan, agindu hau ondorioak sortzen hasten denetik 2020ko abenduaren 10era arte.

2.– Izapidetze ohikoari dagokionez, deialdi honetan pertsona interesdunek bi eskabide aurkeztu ahal izango dituzte gehienez ere; lehena, 2020ko irailaren 30era arte, eta bigarrena, 2020ko abenduaren 10era arte, lehenengoan justifikatu gabeko gastuei dagokienez.

3.– Eskabideak Osasun Saileko lurralde-ordezkaritzetan aurkeztu ahal izango dira, bai eta Osakidetzako osasun-zentroetan, Zuzenean izeneko Herritarrentzako Zerbitzuaren bulegoetan aurretiko hitzorduarekin edo Administrazio Publikoen Administrazio Prozedura Erkidearen urriaren 1eko 39/2015 Legeko 16.4 artikuluan aurreikusitako organoetan ere. Halaber, eskabideak bitarteko elektronikoen bidez izapidetzeko aukera dago, egoitza elektronikoa hauetan: <https://www.euskadi.eus/zerbitzuak/0336314> eta <https://www.euskadi.eus/zerbitzuak/0336313>

11. artikulua.– Ebazpena.

1.– Osasun Publikoaren eta Adikzioen zuzendariaren ebazpen bidez eman edo ukatuko zaizkie laguntzak onuradunei, organo kudeatzaileak proposatuta, eta Euskal Autonomia Erkidegoko Administrazio Publikoaren egoitza elektronikoko iragarki-taulan (<https://www.euskadi.eus/iragarki-taula-elektronikoa>) argitaratuz jakinaraziko da, bai eta Osasun Saileko dagokion lurralde-ordezkaritzan, osasun-zentroetan eta Euskal Autonomia Erkidegoko Administrazio Publikoaren egoitza elektronikoa helbide honetan: <https://www.euskadi.eus/zerbitzuak/0336314> eta <https://www.euskadi.eus/zerbitzuak/0336313>

2.– Planteatzen den izapidetze-era edozein delarik ere, laguntzaren helburuari dagokion gastua zehaztu ostean, laguntzak esleitzeko ebazpenak emango dira, Osasun Publikoaren eta Adikzioen zuzendariaren ebazpen bidez, bat 2020ko abenduaren lehen hamabostaldia baino lehen, eta bestea 2020ko abenduaren bigarren hamabostaldiaren barruan, hurrenez hurren, 2019ko abenduaren 1etik 2020ko ekainaren 10era, eta 2020ko ekainaren 11tik azaroaren 30era bitartean egindako gastuengatik eman beharreko eskaera erraztuetarako; eta 2019ko abenduaren 1etik 2020ko irailaren 30era, eta 2020ko urriaren 1etik 2020ko azaroaren 30era bitartean egindako gastuengatik eman beharreko eskaera ohikoetarako. Edozelan ere, izapidetze ohikoan formulatutako eskabideen gaineko ebazpenek beharko dute izan koherenteak eskabideotan jasotako eskaera zehatzarekiko.

3.– Aurrekoa alde batera utzi gabe, izapidetze-era edozein delarik ere, 2020ko irailaren 30az geroztik egiten bada eskabidea, laguntzak emateko ebazpen bakarra emango da 2019ko abendua-ren bigarren hamabostaldian, dirulaguntzari dagokin aldian zehar pertsona onuradunek egindako gastuei dagokienez.

12. artikulua.– Ordaintzeko era.

Laguntzak emateko ebazpena argitaratzen denetik harako bi hilabeteko epean ordainduko zaizkie emandako laguntzak pertsona onuradunei.

13. artikulua.– Errekurtsoak.

Laguntzak baiesteko edo ezesteko ebazpenaren aurka, gora jotzeko errekurtsua aurkeztu ahal izango zaio Osasuneko sailburuordeari, Administrazio Publikoen Administrazio Prozedura Erkidearen urriaren 1eko 39/2015 Legeko 121. artikuluan eta hurrengoetan ezarritako era eta epeetan.

LEHENENGO XEDAPEN GEHIGARRIA

Deialdi honetan ezartzen den 18.000 eurotik beherako urteko errentetako diru-sarrereren muga, honako kopuru hauen arabera neurtuko da: 2019ko abenduan egindako gastuei dagokienez, 2018ko ekitaldian likidatutako Pertsona Fisikoen Errentaren gaineko Zergaren aitorpeneko aurrezpen eta likidazio-oinarri orokorraren laukian kontsignatutako zenbatekoa; 2020ko ekitaldian egindako gastuei dagokienez, 2019ko ekitaldian likidatutako Pertsona Fisikoen Errentaren gaineko Zergaren aitorpeneko aurrezpen eta likidazio-oinarri orokorraren laukian kontsignatutako zenbatekoa.

BIGARREN XEDAPEN GEHIGARRIA

1.– Euskal Autonomia Erkidegoan erroldatutako pertsonak II. eranskineko eredia bete beharko dute bere eskabidea izapidetzeko, ohiko izapidetzeari jarraikiz. Horretarako, MUFACE, MUGEJU edo ISFASek kudeatutako Gizarte Segurantzako araubide berezietan titular eta 18.000 eurotik beherako diru-sarrerak dituzten pentsiodunak izan beharko dute (klase pasiboak), betiere horien bermatzailea Estatuko Osasun Sistema bada; beren onuradunak ere bete beharko dute eredu hori, baldin eta Euskal Autonomia Erkidegoan erroldatuta badaude, eta onartuta badaude Euskadiko Osasun Sistemako langileek agindutako tratamendu medikoak betetzea errazteko laguntzak arautzen dituen azaroaren 19ko 47/2013 Dekretuaren xedapen gehigarrietako bigarrenaren 1. eta 2. apartatuetan.

2.– Eskabidearekin batera, dokumentazio hau ere aurkeztu behar da:

a) MUFACEk, MUGEJUK edo ISFASek kudeatutako Gizarte Segurantzako erregimen berezietan afiliatuta dagoela eta pentsioduna edo pentsiodunaren onuraduna (klase pasiboak edo erregimen orokorra) dela egiaztatzen duten agiri ofizialen kopia.

b) Euskal Autonomia Erkidegoko udalerriren batean erroldatuta dagoela ziurtatzen duen agiria.

c) PFEZren aitorpenaren kopia edo diru-sarrera gutxi izateagatik errenta-aitorpena egin beharrik ez duela egiaztatzen duen ziurtagiria.

d) Hartzen ari den tratamenduaren orria edo errezetaren paperezko kopia, laguntzaren xede diren tratamendu medikoen preskripzioak dakartzana.

e) Erositako produktuak ordaindu izanaren egiaztagiriak, non adierazita dauden eskatzaileak dagokion aldiaren erositako produktuak eta egindako ekarpenak, elektronikoki izapidetu ez diren gastu lagungarriak edo Estatuko Osasun Sistemako langileek agindutako diruz lagundu daitezkeen gastuei dagokienez.

3.– Kasu horietan, eskabideak 10. artikuluan aipatutako epean eta tokietan aurkeztuko dira.

AZKEN XEDAPENETAKO LEHENENGOA

Agindu honetan aurreikusi gabekoari dagokionez, honako arau hauetan ezarritakoa aplikatu beharko da: Dirulaguntzei buruzko 38/2003 Lege Orokorra, eta berorren erregelamendua, uztailaren 21eko 887/2006 Errege Dekretuz onartua; Euskal Autonomia Erkidegoko Herriogasuntza Nagusiaren Antolarauari buruzko Legearen Testu Bategina, azaroaren 11ko 1/1997 Legegintzako Dekretuak onartua; 447/2013 Dekretua, azaroaren 19koa, Euskadiko Osasun Sistemako langileek agindutako tratamendu medikoak betetzea errazteko laguntzak arautzekoa; Administrazio Publikoaren Administrazio Prozedura Erkidearen urriaren 1eko 39/2015 Legea.

AZKEN XEDAPENETAKO BIGARRENA

Agindu honek ekainaren 15etik aurrera izango ditu ondorioak.

Vitoria-Gasteiz, 2020ko ekainaren 1a.

Osasuneko sailburua,
MIREN NEKANE MURGA EIZAGAECHERRIA.

2020ko ekainaren 15a, astelehena



Sarrera Erregistroko zigilua

I. eranskina
2020

Barra-kodea

IZAPIDETZE
ERRAZTUAEUSKADIKO OSASUN SISTEMAKO LANGILEEK AGINDUTAKO TRATAMENDU MEDIKOAK,
FINANTZAKETA PUBLIKOAREN XEDE DIRENAK, BETETZEA ERRAZTEKO LAGUNTZEN
ESKABIDEA

ESKATZAILEA

Izena: _____

Lehenengo abizena: _____

Bigarren abizena: _____

NAN..... Telefonoa..... OTI kodea..... ESKATZAILEAREN ORDEZKARIA(*), TUTOREA(*), KURADOREA(*), LEGEZKO
ORDEZKARIA(*), AMA(**) EDO AITA(**)

Izena: _____

Lehenengo abizena: _____

Bigarren abizena: _____

NAN Telefonoa:

- (*) Ordezkaritza laguntzaren izapidetzea egiteko baino ez bada, nahikoa da titularrak eta ordezkariak eskabide hau sinatzea.
- (*) Laguntzaren eskatzailea legez ezgaitua izan bada, eskabidea tutoreak, kuradoreak edo legezko ordezkariak sinatuko du; epai judizialaren edo notario-ahalordearen bidez egiaztatuko du ordezkaritza, eta eskabideari gehituko dio. Era berean, ordezkariak erakunde baten izenean aurkeztuko balu eskabidea, dagokion notario-ahalordea gehitu beharko luke.
- (**) Laguntzaren eskatzailea emantzipatu gabeko adingabekoa bada, aitak edo amak sinatuko dute eskabidea, eta eskabideari familiako liburuaren kopia gehituko diote.

BANKUKO DATUAK (dagokion aukera jarri)

1.- Aldez aurretik onuraduna izanda, orduan eman nuen banku-kontuan ordaintzea eskatzen dut 2.- Laguntzako abonua egin dadila titularra naizen hurrengo banku-kontuan eskatzen dut :IBAN

(2. aukera markatu badu, IBAN datuak bete eta banku-kontuaren zenbakia eta pertsona titularra dagoen orriko kopia gehitu behar ditu)

2020ko ekainaren 15a, astelehena

**JAKINARAZPEN ETA KOMUNIKAZIORAKO DATUAK**

Helbidea: _____ Zk. ___ Esk ___ Pisua ___ Letra ___

Posta-kodea: Udalerria _____

Lurralde historikoa/Probintzia _____ Herrialdea _____

Posta elektronikoa _____

ESKABIDEAREKIN BATERA AURKEZTU BEHARREKO DOKUMENTUAK (hala bada, markatu)

- Ordezkarri-izaera egiaztatzen duen dokumentazioa, beharrezkoa bada.
- Titularra eta kontu-zenbakia agertzen diren orriaren kopia (**bankuko datuak atalean 2. aukera hautatu bada**).

BAIMENAK

Deialdi honen erakunde kudeatzaileari **BAIMENA EMATEN DIOT** administrazio eskuduneari egiaztatu edo ziurtatu ditzatela honako datu hauek, bai bide elektronikoak, bai eskura dauden bideak erabiliz:

- Pentsiodun gisa aseguruaren edota aseguruaren onuradunaren egoerei buruzko datuak.
- Diru-sarrerei buruzko datuak (PFEZ aitortpena edo halakorik egin beharrik ez duela egiaztatzen duen agiria).
- Langabezia-egoera legalari eta diru-sarrerak bermatzeko errenta jasotzeari buruzko datuak.
- Laguntzaren xede den gastua aldizka egiteari buruzko datuak.
- Espainian bizi diren atzerritarren kasuan, erregistratu gabe edo egoilear-gisa baimendu gabe badaude, osasun-babesa eta osasun-laguntza onartzeko eskubideari buruzko datuak.

ARDURAPEKO AITORPENAK**1.- Bateragarritasun-aitorpenak (jarri marka eta bete BAI aukeratu)**

Adierazten dut jasotzen ari naizela herri-administrazioaren edo erakunde pribaturen batek emandako laguntza, diru-sarrera edo baliabidea,

helburu bera duena **EZ** / **BAI** Zenbatekoa €. _____ Zein laguntza edo diru-sarrera _____

2.- Beste aitortpen batzuk

Honako hau adierazten dut

- **EZ** dudala jaso inolako zehapen administratiborik edo penalik, laguntzak edo diru-laguntza publikoak lortzeko aukera ekintzen didanik.
- **EZ** daukadala debekurik diru-laguntzak edo laguntza publikoak jasotzen uzten ez didanik, batez ere sexu-diskriminazioagatik gertatutakoak kontuan harturik.
- Euskal Autonomia Erkidegoko Administrazio Orokorrak eta haren erakunde autonomoek emandako izaera bereko laguntzen edo diru-laguntzen esparruan hasi eta oraindik bideratzeko dagoen edozein itzultze- edo zehapen-prozeduraren batean **EZ** nagoela.
- Laguntza hauen onuraduna izateko indarrean dauden legeek ezarritako baldintzak **BETETZEN DITUDALA**.
- **BENETAKOAK** direla eskabide honetan eta erantsitako dokumentuetan agertzen diren **DATUAK**.

DATU PERTSONALEN BABESA

Eskabidean ageri diren datu pertsonalak tratatu egingo dira eta Osasun publikoaren eta Adikzioen arloko laguntzak eta diru-laguntzak tratamendu-jarduera sartuko dira.

Arduraduna: Eusko Jaurlaritza. Osasun Saila. Aseguramendu eta kontratazioko Zuzendaritza.

Helburua: Azaroaren 19ko 447/2013 Dekretuan araututako laguntzak kudeatzea da. Dekretu horren bidez, agindutako tratamendu medikoak betetzea errazteko laguntzak arautzen dira.

Legitimazioa: Interes publikoko izatea edo ahal publikoak egikaritzeko tratamendua. Diru-laguntzei buruzko Lege Orokorra. Euskal Autonomia Erkidegoko Ogasun Nagusiaren Antolarauei buruzko Legea. Persona interesdunaren adostasuna duen tratamendua.

Hartzaileak: Datuak ez zaizkie hirugarrenei lagako, legeak hala behartu ezean.

Eskubideak: Informazio gehigarrian azaltzen den bezala, eskubidea duzu datuetara iristeko, datuak zuzentzeko eta ezabatzeko eta datuen tratamendua mugatzeko edo aurkaratzeko.

Informazio gehigarria: : www.euskadi.eus/dbao/0336314 web-orrialdean begira dezakezu datu-babesari buruzko informazio gehigarri eta zehatza.

Arau hau betetzeko: Datuak Babesteko Araudi Orokorra

_____, 2020ko _____ aren _____ (a)

Sinadura (ESKATZAILEA) _____

Sinadura (ORDEZKARIA, TUTOREA, KURADOREA, LEGEZKO ORDEZKARIA, AMA EDO AITA) _____

2020ko ekainaren 15a, astelehena



Sarrera Erregistroko zigilua

II. eranskina
2020

Barra-kodea

IZAPIDETZE
OHIKOAEUSKADIKO OSASUN SISTEMAKO LANGILEEK AGINDUTAKO TRATAMENDU MEDIKOAK,
FINANTZAKETA PUBLIKOAREN XEDE DIRENAK, BETETZEA ERRAZTEKO LAGUNTZEN
ESKABIDEA

ESKATZAILEA

Izena: _____

Lehenengo abizena: _____

Bigarren abizena: _____

NAN..... Telefonoa..... OTI kodea..... ESKATZAILEAREN ORDEZKARIA(*), TUTOREA(*), KURADOREA(*), LEGEZKO
ORDEZKARIA(*), AMA(**) EDO AITA(**)

Izena: _____

Lehenengo abizena: _____

Bigarren abizena: _____

NAN Telefonoa:

- (*) Ordezkaritza laguntzaren izapidetzea egiteko baino ez bada, nahikoa da titularrak eta ordezkariak eskabide hau sinatzea.
- (*) Laguntzaren eskatzailea legez ezgaitua izan bada, eskabidea tutoreak, kuradoreak edo legezko ordezkariak sinatuko du; epai judizialaren edo notario-ahalordearen bidez egiaztatuko du ordezkaritza, eta eskabideari gehituko dio. Era berean, ordezkariak erakunde baten izenean aurkeztuko balu eskabidea, dagokion notario-ahalordea gehitu beharko luke.
- (**) Laguntzaren eskatzailea emantzipatu gabeko adingabekoa bada, aitak edo amak sinatuko dute eskabidea, eta eskabideari familiako liburuaren kopia gehituko diote.

BANKUKO DATUAK (dagokion aukera jarri)

1.- Aldez aurretik onuraduna izanda, orduan eman nuen banku-kontuan ordaintzea eskatzen dut 2.- Laguntzako abonua egin dadila titularra naizen hurrengo banku-kontuan eskatzen dut :IBAN

(2. aukera markatu badu, IBAN datuak bete eta banku-kontuaren zenbakia eta pertsona titularra dagoen orriko kopia gehitu behar ditu)

2020ko ekainaren 15a, astelehena

**JAKINARAZPEN ETA KOMUNIKAZIORAKO DATUAK**

Helbidea: _____ Zk. _____ Esk _____ Pisua _____ Letra _____

Posta-kodea: □□□□□ Udalerría _____

Lurralde historikoa/Probintzia _____ Herrialdea _____

Posta elektronikoa _____

ESKABIDEAREKIN BATERA AURKEZTU BEHARREKO DOKUMENTUAK (hala bada, markatu)

- Ordezkarri-izaera egiaztatzen duen dokumentazioa, beharrezkoa bada.
- Titularra eta banku-kontu zenbakia agertzen diren orriaren kopia (bankuko datuak atalean 2. aukera hautatu bada).
- Osasun Zerbitzu Publikoaren errezetak edo tratamendu aktiboaren orria..
- Botikaren jatorrizko tiketak edo jatorrizko faktura.
- Klase pasibo-izaera egiaztatzen duen dokumentazioa eta MUFACE, MUGEJU edo ISFASeko afiliazioa, EAeko udalerriren batean errolatuta dagoen ziurtagiria, eta 2018 eta 2019ko ekitaldietan likidatutako PFEZren aitortpenaren kopia (**Klase pasiboak bakarrik, MUFACE, ISFAS eta MUGEJUkoak**).

BAIMENAK

Deialdi honen erakunde kudeatzaileari **BAIMENA EMATEN DIOT** administrazio eskuduneari egiaztatu edo ziurtatu ditzatela honako datu hauek, bai bide elektronikoak, bai eskura dauden bideak erabiliz:

- Pentsiodun gisa aseguratua den edota aseguratua den onuradunaren egoerei buruzko datuak.
- Diru-sarrereri buruzko datuak (PFEZ aitortpena edo halakorik egin beharrik ez duela egiaztatzen duen agiria).
- Langabezia-egoera legalari eta diru-sarrerak bermatzeko errenta jasotzeari buruzko datuak.
- Laguntzaren xede den gastua aldizka egiteari buruzko datuak.
- Espainian bizi diren atzerritarren kasuan, erregistratu gabe edo egoilear-gisa baimendu gabe badaude, osasun-babesa eta osasun-laguntza onartzeko eskubideari buruzko datuak.

ARDURAPEKO AITORPENAK**1.- Bateragarritasun-aitorpenak (jarri marka eta bete BAI aukeratu)**

Adierazten dut jasotzen ari naizela herri-administrazioaren edo erakunde pribatuen batek emandako laguntza, diru-sarrera edo baliabidea,

helburu bera duena **EZ** / **BAI** Zenbatekoa €. _____ Zein laguntza edo diru-sarrera _____

2.- Beste aitorten batzuk

Honako hau adierazten dut

- **EZ** dudala jaso inolako zehapen administratiborik edo penalik, laguntzak edo diru-laguntza publikoak lortzeko aukera ekintzen didanik.
- **EZ** daukadala debekurik diru-laguntzak edo laguntza publikoak jasotzen uzten ez didanik, batez ere sexu-diskriminazioagatik gertatutakoak kontuan harturik.
- Euskal Autonomia Erkidegoko Administrazio Orokorra eta haren erakunde autonomoek emandako izaera bereko laguntzen edo diru-laguntzen esparruan hasi eta oraindik bideratzeko dagoen edozein itzultze- edo zehapen-prozeduraren batean **EZ** nagoela.
- Laguntza hauen onuraduna izateko indarrean dauden legeek ezarritako baldintzak **BETETZEN DITUDALA**.
- **BENETAKOAK** direla eskabide honetan eta erantsitako dokumentuetan agertzen diren **DATUAK**.

DATU PERTSONALEN BABESA

Eskabidean ageri diren datu pertsonalak tratatu egingo dira eta Osasun publikoaren eta Adikzioen arloko laguntzak edo diru-laguntzak izeneko tratamendu-jardueran sartuko dira.

Arduraduna: Eusko Jaurlaritza, Osasun Saila, Aseguramendu eta kontratazioko Zuzendaritza.

Helburua: Azaroaren 19ko 447/2013 Dekretuan araututako laguntzak kudeatzea da. Dekretu horren bidez, agindutako tratamendu medikoak betetzea errazteko laguntzak arautzen dira.

Legitimazioa: Interes publikoko izatea edo ahal publikoak egikaritzeko tratamendua. Diru-laguntzei buruzko Lege Orokorra. Euskal Autonomia Erkidegoko Ogasun Nagusiaren Antolarauei buruzko Legea. Pertsona interesdunaren adostasuna duen tratamendua.

Hartzaileak: Datuak ez zaizkie hirugarrenei lagako, legeak hala behartu ezean.

Eskubideak: Informazio gehigarrian azaltzen den bezala, eskubidea duzu datuetara iristeko, datuak zuzentzeko edo ezabatzeko edo datuen tratamendua mugatzeko edo aurkaratzeko.

Informazio gehigarria: www.euskadi.eus/dbao/0336313 web-orrialdean begira dezakezu datu-babesari buruzko informazio gehigarri eta zehatza.

Arau hau betetzeko: Datuak Babesteko Araudi Orokorra

_____, 2020ko _____ aren _____ (a)

Sinadura (ESKATZAILEA) _____

Sinadura (ORDEZKARIA, TUTOREA, KURADOREA, LEGEZKO ORDEZKARIA, AMA EDO AITA) _____